

主編 郑翔
副主編 李宁宁 吴国富

江西歷代進士全傳

伍

上海古籍出版社

泰和县进士传

说明：泰和县在春秋、战国时期先后属吴、越、楚，秦属九江郡，西汉为庐陵县境。东汉建安四年从庐陵县析出西昌县，三国吴末，复从西昌县析出东昌县，南朝陈废西昌县，隋开皇九年复置西昌县。开皇十年，废西昌，以其地并东昌、遂兴（今遂川、万安）、广兴（今莲花）、永新等地置安丰县。开皇十一年，以“地产嘉禾，和气所生”而更名泰和县，属吉州（庐陵郡）。泰和之名始于此。

唐朝武德五年置南平州，领泰和、永新、广兴、东昌四县，泰和为州治。武德八年，废州，并永新、广兴、东昌三县入泰和县，改泰和县为太和县，属吉州。显庆时，析太和复置永新县。南唐保大元年，析太和地置龙泉场，后升为县（今遂川县）。宋朝熙宁四年，分太和县之诚信乡置万安县。元祐七年，割县境高行乡三堡归永新县。元朝元贞元年，太和县升为州，属吉安路。明朝洪武二年废州，复为太和县，改太和县为泰和县，属吉安府，泰和县名沿用至今。泰和县今属吉安市。

泰和县进士共计 373 人。其中宋代 144 人，元代 3 人，明代 207 人，清代 19 人。

宋代

咸平元年戊戌科(998)孙权榜

张景休

【传记】张景休，字麟，坊郭人。博学有才识，事母孝。邑宰戚纶勉之仕。年四十余，应举中咸平元年进士，授南阳观察判官。居官廉洁，育才荐贤，手不释卷。考满，入献新集数十轴，馆阁知名。复除荆南戎幕，所持益谨，荐者交章。迁秘书省著作佐郎，除汀州长汀令，以便就养。丁母丧，毁瘠几陨。服阕，改武昌崇阳令，清白愈厉。卒年六十余。（《光绪泰和县志》卷一五，参见《光绪吉安府志》卷二七）

咸平三年庚子科(1000)陈尧咨榜

刘济川

【传记】刘济川，太和县仙槎人。咸平三年进士及第。官虞部员外郎。（见《光绪江西通志》卷二一，《同治泰和县志》卷一一）

景德二年乙巳科(1005)李迪榜

尹 绛

【传记】尹绛，云亭人，景德二年进士。善诗赋，为文学韩柳。凡三应举始登第，授扬州天长簿，数月移怀宁。居官廉明，俸给不充，取足于家，上官以其勤干，多委按覆，著能声，遂监皖口输纳，百姓利之。终衡州通判。有文集行世。（《同治泰和县志》卷一五，参见《光绪江西通志》卷一四五）

天禧三年己未科(1019)王整榜

王 贇

【传记】英宗治平二年，龙图阁学士、给事中、知陈州王公年七十，请致君事，以尚书礼部侍郎得谢归乡里。今上即位，改户部。熙宁二年终于正寝，享年七十有六。公讳贇，字至之，庐陵太和人。天禧三年进士擢第，释褐邵州防御推官，历衡、连、郴三州军事判官。本部任材，监兴国军大冶县茶场，兼知县事。迁著作佐郎、监益州军资库。改秘书丞。京尹举知开封府尉氏县。时承献后垂箔之后，中人擅势，衔命出邑，下者邀索扰民，公密疏其事以闻，朝廷因以正法，中人威暴由是始沮。叙迁太常博士，用三司使荐，提举江淮、广东榷盐，陛辞，赐五品服章。召还，将有以擢用，操事者有不悦，故但除尚书屯田员外郎、通判信州。阅诸账籍，至获隐没官物数百万。上言：“州县之治，簿书为要，一郡之敝，推而知其积矣。”因条上钩考之法，遂为著令，至今奉行。知道州，俄而蛮寇来袭，公击走之，遂不敢犯境。召除殿中侍御史，乘传赴阙。未几，换尚书刑部员外郎、知谏院、判国子监。逾年，改起居舍人、直史馆、判司农寺。未期，除天章阁待制，仍知谏院。公论事能揣知人主深旨，情辞婉顺，不为矫激，切摩归之正而后已。别受命知贡举、领三班院、判吏部流内铨，犹兼谏省。拜河北都转运使。考绩，选礼部郎中。迁吏部。丁外艰，服除还阙，时置京畿转运使，除公枢密直学士充任。还朝，复领三班院，迁左议大夫，出知郑州。久之，迁龙图阁学士，移高阳关路马步军都总管兼安抚使，知瀛州。以任官坐累，降秩一等，内阁如故，知池州。寻复左谏议大夫，知江宁府。英宗践祚，进给事中，移陈州。引年得请，遂归庐陵。雅知养生，夙明性理，心量虚旷而得安乐。好书画，能鉴赏，古之名笔多购得之，聚书万余卷，所居有林塘之胜，高僧野客，谈禅话道，间从诗酒，优游自娱，世事一不屑意，萧然有方外之趣。平生论述多切时务，有《奏议集》二十卷、《别集》二十卷，藏于家。（节选自宋张方平《乐全集》卷九《朝散大夫守尚书户部侍郎致仕上柱国太原郡开国公食邑二千九百户食实封五百户赐紫金鱼袋王公墓志铭》，参见《光绪吉安府志》卷二六）

天圣二年甲子科(1024)宋郊榜

郭仲堪

【传记】郭仲堪，泰和县云亭冠朝人，天圣二年甲子宋郊榜进士。（见《同治泰和县志》

卷一一,《光绪江西通志》卷二一)

周中和

【传记】周中和,改名中复,信实乡爵誉人。天圣二年进士,知英州,有善政,官至屯田员外郎。其里有三大夫,中和其一也。(《光绪泰和县志》卷一五)

士之老于其家者,独得其自肆也,然则何为动其意邪?余为之言者,尚书屯田员外郎周君中复。周君与先人俱天圣二年进士,与余旧且好也。既为之辨其不释然者,又欲其有以处而乐也。(节选自宋曾巩《元丰类稿》卷一四《送周屯田序》)

康 忬

【传记】康忬,泰和县人,天圣二年甲子宋郊榜进士。(见《同治泰和县志》卷一一)

天圣五年丁卯科(1027)王尧臣榜

张 谭

【传记】张谭,张景休孙,泰和县人,天圣五年丁卯科王尧臣进士。职方员外郎,知象州。(见《同治泰和县志》卷一一)

景祐元年甲戌科(1034)张唐卿榜

郭 佺

【传记】郭佺,旧名仅,云亭乡人。景祐元年与子之美同登进士,名冠于朝,故名其里冠朝。佺终河南府通判,后赠太常博士。(《光绪泰和县志》卷一五,参见《光绪吉安府志》卷三二)

郭佺,旧名仅,泰和人,与子之美同登景祐进士,名冠于朝,时永丰董洙父子亦同科进士,里谚云:“董洙三父子,郭仅两爷儿。”(《光绪江西通志》卷一四五)

郭之美

【传记】郭佺,旧名仅,云亭乡人。景祐元年与子之美同登进士,名冠于朝,故名其里冠朝。之美官屯田员外郎,上书言强国富民事,辞藻瞻蔚,天子壮之,特差通判定国军,编修国史,选集贤学士。之美父子故有读书堂在层溪上。(《光绪泰和县志》卷一五,参见《光绪吉安府志》卷三二)

郭君讳之美,字君锡。世居庐陵,自其考始以文词举进士。君锡少聪敏过人,从其父学。景祐元年,年十八,与其父同日登第。仁宗皇帝临轩,赏其爽异,为改今名。初调蕲州蕲春,再授楚州淮阴,皆为主簿,以吏事不中法去官。庆历三年,为梧州司户参军。复注惠州。转运使闻其名,用之权韶州(军事)。州有铸钱监,监卒怨其监官,是时依智高叛,辄请于监军韦贵曰:“愿往邕州擒峒贼。”贵叱去之。君策其必变,曰:“叱之所以激之也。”阴为州备。其夕,监卒杀监官,趋州门,斩关且进。门有备兵,出其不意,格斗诛斩略尽。依智高入广州,肆兵外掠。又移权知南海、番禺二县。募敢勇亡命之徒,遇贼必战,杀获甚多,所至贼为之缩敛。蒋偕被命专讨,军无法律,遣使召君计事,辞不往。后数日,偕为贼擒。

皇祐五年，以功除大理寺丞、签书南雄州判官公事，以父丧不行。又丁母忧，服除，以大理丞知兖州莱芜监。嘉祐五年，迁丞殿中，监在京丰济仓，赐绯鱼。天子即位，恩迁太常博士。初作永昭陵，河南府素号穷空，所费仰给三司。时余为三司使，荐君于永安，入中钱粮，善计纤悉，终以办事，时议称之。改尚书屯田员外郎。治平元年，知开封府中牟县。县居京西一舍，仍岁水灾，多盗贼，赋敛频数，民益贫。君视其部中沟洫不治，因上书乞治水，严盗禁，均赋役。期月之间，使客称其毕给，百姓颂其均平而不扰。未几，以命免。仍坐举故人之为长吏者入官，长吏有罪，追君一官，罢去。百姓条君善状诉于京尹，愿留，不得。即遮丞相马首，叩头嘘唏，幸少赐我，既又不得，泣涕而去。明年，归蕲州，未至，终于舒州桐城之传舍。其孥以丧归，十二月二十一日葬于蕲水龙潭山先人之茔，享年三十。君好学，多通理势重轻之术。每官必有记述，皆世之要用，有文数十百篇。尤善论兵，数上书，言慷慨。病且革，叹曰：“丈夫固当以病死耶？”（节选自宋蔡襄《蔡襄集》卷四〇《尚书屯田员外郎郭公墓志铭》）

刘 存

【传记】刘存，泰和县人，景祐元年张唐卿榜进士。（见《同治泰和县志》卷一一）

庆历二年壬午科(1042)杨真榜

严 震

【传记】严震，一名宽可，及次子。登庆历二年进士，任常州推官，充漕司考试。有钱公辅者，名士也，时以“士有特招”为题，震览其赋中有“崛起蒿莱”句，击节曰：“必此人也。”置之首荐。震褊身端洁，在官以薄自奉，稍有余，辄分给族之贫者。（《同治泰和县志》卷一五，参见《光绪江西通志》卷一四五）

庆历六年丙戌科(1046)贾黯榜

胡 衍

【传记】胡衍，南冈人，后徙义和，知容州。庆历六年丙戌科贾黯榜进士。（见《同治泰和县志》卷一一）

吾州乡贡进士钱钱，钱之先讳衍，第庆历十一年^①进士，官至朝奉大夫。（宋杨万里《诚斋集》卷一三一《太孺人刘氏墓志铭》）

胡衍，字昭叔，泰和人，庆历进士。宰真阳。岭南无田之民，例输身丁米，衍为言于外台，部使以闻，适陈执中秉政，陈知梧州时，亦尝奏及此，梧人得免，至是朝廷以前例可其奏。衍性坦率，内外洞彻，所至以循良称。（《光绪江西通志》卷一四五，参见《光绪吉安府志》卷二七）

^① “庆历十一年”，当为“庆历六年”。

皇祐元年己丑科(1049)冯京榜

王 亿

【传记】王亿，贄次子，字昌龄，以荫当得官，辞以待族之贫者。皇祐己丑，贄知礼部贡举，亿以别头进士中甲科。仁宗见其状貌伟异，顾宋丞相庠曰：“甚似王贄。”贄叩谢。归拜家庆，四亲俱存，极一时之荣。知开封府酸枣县，岁凶，设法赈济，境人以安。贄以忧归庐陵，恩除亿金书吉州判官事。遇姻旧有恩而法不可犯，转殿中丞，通判永宁军。前后帅有讼久不直，委亿一言而服。贄既归老，亿得请知袁州。袁于吉为邻，亿熟其俗，讼清教举，使者以最绩闻，而亿以侍养得请通判吉州。寻权知三司勾当公事以卒。官至职方员外郎。（《同治泰和县志》卷一五）

萧良肱

【传记】萧良肱，泰和县仁善人，皇祐元年己丑科冯京榜进士。检法官，宣教郎。（见《同治泰和县志》卷一一）

萧良肱，泰和人，为虔州理掾。虔化县捕获凶寇二十五人，良肱为雪其无罪者九人。荐充三法司直，官终广东检法官宣教郎。（《光绪吉安府志》卷二七，参见《光绪江西通志》卷二一）

谭 繇

【传记】谭繇，泰和县坊郭人，开封籍，皇祐元年己丑科冯京榜进士。知大庾县。（《同治泰和县志》卷一一）

皇祐五年癸巳科(1053)郑獬榜

胡叔源

【传记】胡叔源，泰和县信实人，皇祐五年癸巳科郑獬榜进士。著作佐郎，开封右军巡院判官。（《同治泰和县志》卷一一）

嘉祐二年丁酉科(1057)章衡榜

郭元通

【传记】郭元通，泰和县人，嘉祐二年丁酉科章衡榜进士。洪武初，刘崧编《冠朝郭氏谱》，有曰：“庆甫嘉祐初登丙科，没，榜首章衡铭其墓。”庆甫，盖元通字。（《同治泰和县志》卷一一）

嘉祐四年己亥科(1059)刘焯榜

萧国镇

【传记】萧国镇，泰和县坊廓人，嘉祐四年己亥科刘焯榜进士。高州太守。（见《同治泰和县志》卷一一，《光绪江西通志》卷二一）

萧国镇，字安国，泰和人，五举中第，任临川幕官。适五羊上供银铜过郡，太守密得十五卒盗银者，以付国镇，曰：“是有赏格，宜尽心。”国镇核实，皆有生理，狱上，亢怒，国镇曰：“情法如此，忍以十五人命资一己利乎！”亢愈怒，竟劾奏。上嘉国镇用法平恕，十五卒得不死。升衡州倅，历柳州守，以朝奉郎致仕。（《光绪吉安府志》卷二七）

熙宁六年癸丑科(1073)余中榜

张汝贤

【传记】张汝贤，字祖禹，东城人。登熙宁六年第，初为赣县簿，有双生子争长幼者，郡不能决，诉于朝，委之汝贤。汝贤以先生为长，因达上听，入为御史台主簿，与中丞舒亶奉事殿，会上有所顾问，亶未对，而目汝贤，汝贤辨析如响，上器之。先是上梦江南进一长弓带弦，问汝贤乡贯姓名，正与梦合，于是骤加擢用，寻权侍御史，除福建按察使。元祐初，再除江淮发运副使。取道持节过里，乡人荣之。官至承议郎、直龙图阁尚书、左司郎中。卒葬仪真。（《光绪泰和县志》卷一五；参见《光绪吉安府志》卷二七，苏轼《东坡外制集》卷上《张汝贤可直龙图阁发运副使》，苏辙《栾城集》卷三〇《张汝贤右司郎中》）

熙宁九年丙辰科(1076)徐铎榜

曾安止

【传记】曾安止，肃子，泰和县人，熙宁六年进士，耻同学究出身，熙宁九年再举，登戊科。（见《同治泰和县志》卷一一）

曾君讳安止，字移忠，世为庐陵泰和人。熙宁登第，同学究出身，为耻，不离上庠，励己修业，夜以继日，至伤厥明。后三年复登戊科，诏升甲焉。君谢恩毕，即奏：“臣父年已高，久困场屋，愿回授臣父一散官。”先帝嘉其诚，以无例止。初调洪州丰城主簿，除江州彭泽令。以目疾弃官，授宣德郎，号屠龙翁，伤技成而无所用。有《禾谱》五部、《车说》一卷、《屠龙集》几卷。东坡苏公所称《禾谱》，谓文既温雅，事亦详实，惜乎其有所缺，不谱农器也，作《秧马歌》以附其后。不幸元符戊寅五月十六日以疾而卒，享年五十有一。（节选自《宋进士宣德郎移中公墓志铭》，见《光绪匡原曾氏重修族谱》；参见《同治泰和县志》卷一五）

元丰二年己未科(1079)时彦榜

曾安中

【传记】曾安中，后改名峰，泰和县人，元丰二年己未科时彦榜进士。（见《同治泰和县志》卷一一）

曾安中，字舜和，泰和人，肃第三子，后更名峰，字彦锡。未冠登第，官新淦尉。徽宗初，诏求直言，安中以不克终为戒。及上时宰书，言大臣当以至正之道佐人主。时蔡京用事，计塞谏言，藉诸所上书以为谤，安中在其数。后为清川丞，以言幽事忤王黼，遭禁锢终身。（《光绪吉安府志》卷二七，参见《宋元学案补遗》卷九六）

元祐三年戊辰科(1088)李常宁榜

刘 翻

【传记】刘翻，泰和县人，元祐三年戊辰科李常宁榜进士。（见《同治泰和县志》卷一一）

元祐六年辛未科(1091)马涓榜

张汝明

【传记】张汝明，汝贤弟，泰和县人，元祐六年辛未科马涓榜进士。（见《同治泰和县志》卷一一）

张汝明，字舜文，世为庐陵人，徙居真州。兄侍御史汝贤，元丰中以论尚书左丞王安礼，与之俱罢。未几，卒。汝明少嗜学，刻意属文，下笔辄千百言。入太学，有声一时。国子司业黄隐将以子妻之，汝明约无饰华侈，协力承亲欢，然后受室。登进士第，历卫真、江阴、宜黄、华阴四县主簿，杭州司理参军，亳州鹿邑丞。母病疽，更数医不效，汝明刺血调药，傅之而愈。江阴尉贫且病，市物不时予直，部使者欲绳以法，汝明为鬻囊中装，代偿之。华阴修岳庙，费巨财窘，令以属汝明。汝明严与为期，民德其不扰，相与出力佐役，如期而成。他庙非典祀、妖巫凭以惑众者，则毁而惩其人。滞州县二十年，未尝出一语干进，故无荐者。大观中，或言其名，召置学制局，预考贡士，去取皆有题品。值不悦者诬以背王氏学，诏究其事，得所谓《去取录》，徽宗览之曰：“考校尽心，宁复有此？”特改宣教郎。

擢监察御史。尝摄殿中侍御史，即日具疏劾政府市恩招权，以蔡京为首。帝奖其介直。京颇惮之，徙司门员外郎，犹虞其复用，力排之，出通判宁化军。地界辽，文移数往来，汝明名触其讳，辽以檄暴于朝。安抚使问故，众欲委罪于吏，汝明曰：“诡辞欺君，吾不为也。”坐责监寿州麻步场。遇赦，签书汉阳判官。田法行，受牒按境内。时主者多不亲行，汝明使四隅日具官吏所至，而躬临以阅实，虽雨雪不渝，以故吏不得通贿谢，而税均于一路最。晚知岳州，属邑得古编钟，求上献。汝明曰：“天子命我以千里，惧不能仰承德意，敢越职以幸赏乎？”卒于官，年五十四。

汝明事亲孝，执丧，水浆不入口三日，日饭脱粟，饮水，无醯盐草木之滋。浸病羸，行辄踣。梦父授以服天南星法，用之，验，人以为孝感。汝明学精微，研象数，贯穿经史百家，所著书不蹈袭前人语，有《易索书》、《张子卮言》、《大究经》传于世。（《宋史》卷三四八，参见《同治泰和县志》卷一五）

绍圣元年甲戌科(1094)毕渐榜

萧世彦

【传记】萧世彦，国镇子，绍圣元年甲戌科毕渐榜进士。文林郎。（见《同治泰和县志》卷一五）

刘鼎臣

【传记】刘鼎臣，泰和县坊郭人，绍圣元年甲戌科毕渐榜进士。南安军知录。（见《同治泰和县志》卷一一）

刘鼎臣，字和之，坊郭人，绍圣进士。初任南安军大庾县簿，又摄吉水尉。尝上书言十事，用事者恶其切直，指为元祐党籍，羁锢累年。遇赦，乃转登仕郎，授雩都令，终南安军知录。绍兴初，党禁解，凡党人子孙例许自陈，而其家乱后文字散失，无所考据，遂止，士论悲之。（《同治泰和县志》卷一五，参见《光绪江西通志》卷一四五）

元符三年庚辰科(1100)李崧榜

曾安强

【传记】曾安强，字南夫，号秀溪居士，泰和县人。登乙科，调舒州法曹。会母丧归，途值江涨，舟遇石将摧，篙工计急，欲迁之小舟，安强以帛系柩，誓与俱溺。俄有驾大舰者共救之。有顷船裂，安强得免。服除，为潭州司理，差权内香药库。有旨出局中西乳香市之，安强执不可，恐生后患。时赍其言，除提举成都府路常平。至，则民诉旱，求决灌口水者以千数。问其故，曰：“官司惮修筑，且恐水决，陷及州县。”安强曰：“民既急矣，吾当独任。”趣诣水所，恣百姓疏决。僚吏或申前议，安强曰：“吾已任，不累公等矣。”数日，诸郡水告足。富者捐财，壮者出力，仍筑塞之，岁因大穰。著为式，士民刻石江上，号《均水记》。先是庐肆多火，无以潴水，安强至，按地为沟三百所，或病之。俄登城，得断碑，发视，乃张咏尚书《疏渠积水记》，中一一如所经画，遂复旧。上供绣作院，岁科民户出钱，顾男女杂作，监守者夤缘隐匿。安强奏乞散，令制造立限送纳，从之。州岁下县织花罗一匹，费七十缗，吏辄市一取十，以馈榷要。安强檄有司，具上供实数，晓谕使户知之，遂绝额外之扰。尝过僧寺，见暴骨不葬，多远宦无归者，因差官遍诣境内，录得三千余柩，悉葬漏泽园，置碣识之。一夕，梦数千人泣拜而去。当是时，朝廷岁遣中贵督上供物帛，官吏倾意奉承，有邓述者，挟持尤甚，市物不中意，辄焚毁之。安强疏其事，徽宗怒斥，述不复用。会廉访王竦与述昵，心害安强，即中以微文，遂谪监耀州淳化县酒税。未几，主管舒州天宁万寿观，会户部议余东南粟百万，上意欲集事而不扰者，顾左右，未知所对。上遂曰：“曾安强可。”则除河南常平。既至，斥部吏不法者数人。又值权贵有所请托，安强治之愈峻。乃风言路以游辞弹劾，居七月而罢，卒于家。（《万历吉安府志》卷一八；参见《同治泰和县志》卷一五，周必大《平园续稿》卷一二《曾南夫提举文集序》，明凌迪知《万姓统谱》卷二七）

崇宁二年癸未科(1103)霍端友榜

刘南立

【传记】刘南立，泰和县珠林人。崇宁二年登进士第。赣州兴国县尉。（见《同治泰和县志》卷一一，参见《万历吉安府志》卷五）

刘南立，字伯强，珠林人。文名重一时，与族弟在中、岳秀称“珠林三杰”。官至宣义赣

州兴国府。(《同治泰和县志》卷一五)

大观三年己丑科(1109)贾安宅榜

周 噩

【传记】周噩，泰和县爵誉人，大观三年己丑科贾安宅榜进士。平阳令。(见《同治泰和县志》卷一一)

周噩，字敦书，信实乡爵誉人，倜傥有器局，事亲孝。登大观三年第，终平阳令。虽踽足百里，而部使长吏争挽其长。(《同治泰和县志》卷一一)

曾国器

【传记】曾国器，安邦子，泰和县人。大观三年己丑科贾安宅榜进士。南雄府教授。(见《同治泰和县志》卷一一，参见《万历吉安府志》卷五)

政和二年壬辰科(1112)莫侑榜

郭允升

【传记】郭允升，字彦信，金滩人。由上舍登政和二年第，为越州、诸暨县尉。廉约有声，改袁州兵掾。丁母忧，服除，慨然流涕曰：“禄以养亲也，亲没矣，何宦为？”于是洒扫故庐，日对黄卷，暇则杖履野服，逍遥溪上。其友工部侍郎郭孝弟数移书勉之出，授永州零陵宰。时蛮獠扰民，允升至，未久服，相率罗拜庭下。丞相张浚、潭帅刘昉、永守郭璋合奏于朝，改知潭州安化县。境内旧多虎害，允升莅政未几，虎遁去。已又移知诸暨。暨邑素号繁剧，府库岁计数万，名存实亡，皆右姓黠胥相与为弊，上下官吏行文书而已，令坐不职罢去者相望。允升按库籍，一切以法绳之，不半岁，输者踵之，府库充积，境内大治。卒于官。(《同治泰和县志》卷一五；参见《光绪吉安府志》卷二七，《万姓统谱》卷一一九)

郭允升，泰和人，徽宗时知零陵县，蛮獠归服。徙知安化，虎不为害，民有蛮服虎藏之谣。(《光绪湖南通志》卷九四，参见《光绪零陵县志》卷六)

政和五年乙未科(1115)何桌榜

康 烈

【传记】康烈，本姓匡，泰和县坊郭人，政和五年乙未科何桌榜进士。赣县尉，零陵宰。(见《同治泰和县志》卷一一)

王遐年

【传记】王遐年，泰和县人，政和五年乙未科何桌榜进士。(见《同治泰和县志》卷一一)

政和八年戊戌科(1118)王昂榜

刘在中

【传记】刘在中，泰和县人，四举登第，政和八年王昂榜进士。(见《同治泰和县志》卷

一一,参见《万历吉安府志》卷五)

刘在中,字伯正,泰和人,政和进士。报捷日,在中方锄圃,闻之,弛笠谢恩。虽衣冠俨饰,而笠系之痕犹宛然可见,其淳笃如此。官永州录事参军。(《光绪江西通志》卷一四五)

宣和三年辛丑科(1121)何涣榜

刘邦荣

【传记】刘邦荣,泰和县珠林人,宣和三年辛丑科何涣榜进士。(见《同治泰和县志》卷一一)

宣和六年甲辰科(1124)沈晦榜

郭元侯

【传记】郭元侯,泰和县冠朝人,宣和六年甲辰科沈晦榜进士。(见《同治泰和县志》卷一一,参见《光绪江西通志》卷二二)

建炎二年戊申科(1128)李易榜

刘獬

【传记】刘獬,字去邪,泰和县人,建炎二年戊申科李易榜进士。德庆府通判。(见《同治泰和县志》卷一一,参见《光绪江西通志》卷二二)

君讳獬,字去邪,年五十一卒,其年十二月某甲子葬庐陵儒行乡曲石之原。中建炎三年进士第,授左迪功郎、衡州司法参军。秩满,用荐者转左从政郎,改选潭之攸县令。丁生母忧。服阕,调池之东流县令。改左宣教郎,知衡之衡阳县。秩满,知筠之上高县,磨勘迁至左承议郎,通守德庆军府,需次于乡。未几以病卒,实绍兴二十三年八月八日也。去邪始典法,谏议必传经术。岁浚饥,民艰食,寇攘以延朝夕。捕者利其赏,有司鬻狱,将置数十人于死。去邪曰:“是迫于饿,仲尼谓未必本恶者,盍从轻?”比时方募兵,则请以充数,使自效。守将怒,抵所议于地,去邪徐拾以归,复执以请,牢不可夺。守将悟而夺之,囚赖以免,名动一州。初莅上高,乡校狃敝,去邪喟曰:“吾所至邑,未尝不修学宫,惟衡阳尤竭力,十倍他邑。故事,无不集会,其可不勉?”于是殿宇、门庑、堂室、帑庖、庖溷之挠折腐败者,丹堊之漫漶不饰者,自我毕葺。学有苏黄门子由记,岁久断缺,访墨本摹刻之,且识重修始末于碑阴上。既讫,躬率吏及生徒行释奠礼,耆老至叹息,其子弟皆兴于学。凡宰三邑,大抵以爱民戢吏为心。男三人。令猷,二十一年赐进士出身,选左迪功郎、徽州婺源县尉。(节选自宋胡铨《胡澹庵先生文集》卷二五《德庆通守刘承议墓志铭》,参见《光绪吉安府志》卷二七)

陈千龄

【传记】陈千龄,泰和县人,建炎二年登进士第。(见《同治泰和县志》卷一一)

陈千龄,泰和人,建炎进士。官韶州曲江簿,有潮阳令以军事犯赃,权贵多为之地。檄

千龄推鞠，援者踵至，夜馈以金，不受，至推问得实。升虔州司法参军。（《光绪江西通志》卷一四五，参见《光绪吉安府志》卷二七）

泰和陈千龄，初为韶州曲江簿，升虔州司法参军。虔守刘少卿昉入境，迓者皆不受谒，独延请千龄，待以客礼。盖昉方尝过岭南，具闻其在韶州居官平恕，因为延誉诸司，升从仕郎。（《同治赣州府志》卷七八）

曾强立

【传记】曾强立，泰和县人，建炎二年戊申科李易榜进士。（见《同治泰和县志》卷一一，参见《万历吉安府志》卷五）

刘 铨

【传记】刘铨，名叔周，泰和县人，建炎二年戊申科李易榜进士。淮南判置使。（见《同治泰和县志》卷一一）

绍兴八年戊午科(1138)黄公度榜

倪师尹

【传记】倪师尹，字德一，刻苦好学，一举登第。初任英州狱掾。往时狱掾兼理公库，太守周彦辉以命师尹，不可，则引例而折之，师尹曰：“三寸固存，吾安问例？”岭南州郡狱具大率苟简，师尹更革损益，一以新书从事。”适乡人严康元为韶州录参，移书质之，分寸纤悉如式。师尹无书不读，尤长四六。尝投启太守赵不积，有云：“片言可以折狱，非曰能之；一介不以取人，固所原也。”不积称赏累日。子求己，登淳熙间第，与邑人严万全同修邑志。

按《人物志》载师尹卒于任，贫无以归，其同官助之。妻严氏泣曰：“吾夫廉，忍累之乎。”力辞不受，则其妻固亦贤妇也。又《万历志》载王旻殴妇姚氏，兄姚光救之，遂殴旻致死。师尹谓救妹而杀人，其事可原，欲活之，狱未具而卒。其事疑旧本之误，今削之。（《同治泰和县志》卷一五，参见《光绪江西通志》卷一四六）

绍兴十二年壬戌科(1142)陈诚之榜

刘邦昌

【传记】刘邦昌，一名翔，字吉仲，绍兴十二年壬戌科陈诚之榜进士。任保昌簿，太守马劬奏充本州教官，改贺州。（见《同治泰和县志》卷一一）

绍兴二十一年辛未科(1151)赵逵榜

刘令猷

【传记】刘令猷，字辰告，獬子。幼颖悟，年二十五中乡举，明年登第，授婺源尉，再调赣州兴国簿，调常德府观察判官。先是任兴国，吏赍金来迓，却之。任常德，地号险阻，为部使者所委，奉檄奔走不辞。尝考试宜春、江陵，号称得人。（《同治泰和县志》卷一五）

（刘令猷）调婺源尉，不克赴，主赣县兴国簿。吏以例赍银若干来迓，君曰：“例可承

耶？”却之。或曰：“如他人何？”君悟曰：“簿廨寓僧坊三十年，盍斥卖为土木费乎？”役遂以成，后人赖之。（宋周必大《省斋文稿》卷三二《文林郎刘君令猷墓志铭》）

绍兴二十四年甲戌科(1154)张孝祥榜

刘廷俊

【传记】刘廷俊，泰和县人，绍兴二十四年甲戌科张孝祥榜进士。辰州知录。（见《同治泰和县志》卷一一）

刘 体

【传记】刘体，一作刘本，泰和县千秋荷山人，绍兴二十四年甲戌科张孝祥榜进士。南城丞。（见《同治泰和县志》卷一一）

乾道二年丙戌科(1166)萧国梁榜

陈 邦

【传记】陈邦，泰和县坊郭人，乾道二年丙戌科萧国梁榜进士。武陵县尉。（见《同治泰和县志》卷一一）

王唯一

【传记】王唯一，泰和县人，乾道二年丙戌科萧国梁榜进士。（见《同治泰和县志》卷一一）

淳熙五年戊戌科(1178)姚颖榜

倪求己

【传记】倪求己，倪师尹之子，泰和县人，淳熙五年戊戌科姚颖榜进士。淳熙初同严万全修淳熙志。（见《同治泰和县志》卷一一，“修淳熙志”见同书卷一五）

王化原

【传记】王化原，贄之后，泰和县人，淳熙五年戊戌科姚颖榜进士。郁林州司法。（见《同治泰和县志》卷一一）

王化原，贄之后，登淳熙五年进士。初为新淦簿，时缺令，化原亦以礼法治之，人惮其明，治声翕然。迁郁林州，其俗顽犷，化原抚之以恩，凡有狱讼，必诲谕，不改然后用刑，人皆知感，既去思之。（《同治泰和县志》卷一五）

康 职

【传记】康职，泰和县人，淳熙五年戊戌科姚颖榜进士。（见《同治泰和县志》卷一一）

康职，字景材，绅溪人，烈四世孙。博通经史，为鄢陵令，廉洁自持，藉藉有声。（《同治泰和县志》卷一五）

严 鄂

【传记】严鄂，字士明，泰和县人，淳熙五年戊戌科姚颖榜进士。（见《同治泰和县志》

卷一一)

陈 导

【传记】陈导，泰和县柳溪人，淳熙五年戊戌科姚颖榜进士。授宁远尉。（见《同治泰和县志》卷一一）

绍熙元年庚戌科(1190)余复榜

曾之谨

【传记】曾之谨，曾有凭子，泰和县人，绍熙元年庚戌科余复榜进士。零陵令。（见《同治泰和县志》卷一一。按：《宋史·艺文志》载录有曾之谨《农器谱》三卷，《文献通考·经籍志》：《禾谱》五卷，文既温雅，事亦详实，惜其不谱农器。后百余年，其侄孙耒阳令之谨始续成之，凡耒耜、耨铺、车戾、蓑笠、铎刈、筱箕、杵臼、斗斛、釜甑、仓庾，厥类惟十，附以杂记，勒成三卷。皆考之经传，参合今制，无不备者。是可补伯祖之书，成苏公之志矣。其序牛犁，盖一编之管辖也）

绍熙四年癸丑科(1193)陈亮榜

谭一飞

【传记】谭一飞，泰和县坊郭人，绍熙四年癸丑科陈亮榜进士。（见《同治泰和县志》卷一一）

陈嗣宗

【传记】陈嗣宗，泰和县人，绍熙四年癸丑科陈亮榜进士。茶陵簿，历福建提刑检法，终建昌军南城宰。（见《同治泰和县志》卷一一；宋卫泾《后乐集》卷一三《奏举陈嗣宗、孔梦符等状》云：“儒林郎、福建路提刑司检法官陈嗣宗，天资静重。”）

庆元二年丙辰科(1196)邹应龙榜

杨炎正

【传记】杨炎正，字济翁，泰和县人，庆元二年丙辰科邹应龙榜进士。（见《同治泰和县志》卷一一）

《西樵语业》一卷，宋杨炎正撰。炎正字济翁，庐陵人。杨万里《诚斋诗话》曰：余族弟炎正，字济翁，年五十二乃登第，初为宁远簿，甚为京丞相所知。有启上丞相云：“秋惊一叶，感蒲柳之先知；春到千花，叹桑麻之后长。”丞相遂厚待，除掌故之令。（《四库全书总目》卷一九八）

杨梦信

【传记】杨梦信，泰和县人，庆元二年丙辰科邹应龙榜进士。（见《同治泰和县志》卷一一，参见杨万里《诚斋集》卷七六《静庵记》）

杨梦信，庐陵人。由国子监丞来知（兴化军）。岂弟坦夷，待僚属如子弟，爱礼下士。

郡旧有濠塘田以贍学廩，数没于海水。郡人陈宓捐缗八十万筑内堤捍之。既谋筑长圩以入于海，乃以塘田贷于富人。久之，田没贷主，梦信出帑钱六十万赎之。（明何乔远《闽书》卷六一）

郭询直

【传记】郭询直，泰和县人，庆元二年丙辰科邹应龙榜进士。庆元四年为常德法曹。（见《同治泰和县志》卷一一，“庆元四年为常德法曹”见上海古籍出版社2005年版严绍璁《严绍璁海外访书志》宋刊本《汉书》梁季琚跋）

庆元五年己未科(1199)曾从龙榜

刘文郁

【传记】刘文郁，泰和县人，庆元五年己未科曾从龙榜进士。迪功郎，雷州教授。著有《周易宏纲》。（见《同治泰和县志》卷一一，“著有《周易宏纲》”见杨万里《诚斋集》卷八三《周易宏纲序》）

王世昌

【传记】王世昌，唯一子，泰和县人，庆元五年己未科曾从龙榜进士。迪功郎。（见《同治泰和县志》卷一一）

赵师共

【传记】赵师共，泰和县人，庆元五年己未科曾从龙榜进士。儒林郎、鄂州教授。（见《同治泰和县志》卷一一，“儒林郎、鄂州教授”见周必大《平园续稿》卷三三《朝议大夫直秘阁广西转运判官彭府军汉老墓志铭》）

曾 戟

【传记】曾戟，中庆元五年童子科，里有洲因戟名神童洲，杨诚斋万里赠以诗曰：“吾党曾童字叔荣，八岁文科试童子。舌端九经若翻水，属句方员超阿泌。精神玉雪照人寒，骨格麟凤夹道看。金殿前头奏篇了，一日风云生羽翰。”又严杞、邓有兴中嘉定间童子科，与戟俱未仕卒。（《光绪泰和县志》卷一五）

嘉泰二年壬戌科(1202)傅行简榜

袁士安

【传记】袁士安，泰和县城西人，嘉泰二年壬戌科傅行简榜进士。衡州录事参军。（见《同治泰和县志》卷一一）

赵师德

【传记】赵师德，泰和县人，嘉泰二年壬戌科傅行简榜进士。迪功郎，隆兴府新建县尉。（见《同治泰和县志》卷一一，“迪功郎，隆兴府新建县尉”见周必大《平园续稿》卷三二《朝请郎曾君光祖墓志铭》）

赵师异

【传记】赵师异，泰和县人，嘉泰二年壬戌科傅行简榜进士。（见《同治泰和县志》卷一一）

开禧元年乙丑科(1205)毛自知榜

谭 经

【传记】谭经，泰和县儒口人，谭一飞族侄，开禧元年乙丑科毛自知榜进士。（见《同治泰和县志》卷一一）

嘉定元年戊辰科(1208)郑自诚榜

白夏起

【传记】白夏起，泰和县城东人，嘉定元年戊辰科郑自诚榜进士。（见《同治泰和县志》卷一一）

刘 绂

【传记】刘绂，泰和县人，嘉定元年戊辰科郑自诚榜进士。（见《同治泰和县志》卷一一）

袁士表

【传记】袁士表，士安弟，泰和县人，嘉定元年戊辰科郑自诚榜进士。建宁府通判，政绩显著。（见《同治泰和县志》卷一一）

嘉定四年辛未科(1211)赵建大榜

萧 森

【传记】萧森，泰和县人，嘉定元年辛未科赵建大榜进士。衡山县丞。（见《同治泰和县志》卷一一）

陈 贯

【传记】陈贯，字恕伯，泰和县人，嘉定元年辛未科赵建大榜进士。（见《同治泰和县志》卷一一）

嘉定七年甲戌科(1214)袁甫榜

黄宋英

【传记】黄宋英，泰和县人，嘉定七年甲戌科袁甫榜进士。（见《同治泰和县志》卷一一）

陈汉孙

【传记】陈汉孙，字子规，千龄侄，泰和县人，嘉定七年甲戌科袁甫榜进士。衡州司法参军。（见《同治泰和县志》卷一一）